

## 才德 ê 婦仁人

台語講：好酒沉甕底。箴言上尾一章結論用希伯來離合詩(acrostic)ê 形式描繪賢妻良母 ê 典型，嘔是因爲美貌，卻是因爲敬畏上帝（31：30）。箴言用「敬畏耶和華是智慧 ê 根本」開始，mà 用智慧結束。正是 chit 句話 ê 上好 ê 註腳。賢婦讚歌 kap 智慧讚歌（8:22~36）攏是箴言 ê 主題。箴言 12:4 講：才德 ê 婦仁人是丈夫 ê 冕旒；Sià-敗 ê 婦仁人互丈夫親像骨朽爛。(12:4)。Chit 段經文教示咱婦女 ê 內涵，今 á 日雖罔女性意識抬頭 kap 當時 ê 背景有差異，總是伊對佇今 á 日 ê 婦女，無論是家庭主婦或是職業婦女 ià 有真高 ê 價值 kap 肯定。本段經文用「有才德 ê 婦仁人是誰會 chhē-著啊？伊 ê 價值大大贏過寶石。」(v.10)作引言，猶親像西方諺語所講 ê：「成功 ê 男人後面必定有偉大 ê 女人。」

這首詩將箴言 18:22：「得著某 ê 就是得著福氣，也是得著耶和華 ê 恩惠」，這 ê 思想發揚，因爲伊將以色列當時 ê 一個某所扮演 ê 管理家務 kap 敬畏上帝 ê 角色發揮夠盡磅。咱愛按怎尋著一位適合 ê 牽手 neh?濟濟人 kā 這當作一世人 ê 重大抉擇，戴德生佇伊 ê 傳記講：tùi 青春開始，伊就每日爲終身大事祈禱，後來上帝果然賞賜伊好 ê 婦仁人。一 ê 真正匹配 ê 婦仁人一旦尋著，真正是無價之寶 ah。

今 á 日 ê 經文所描述 ê 才德婦仁人，伊是凡事規劃、作大誌有秩序 (v. 15、17-18)、勤 bô 儉苛薄 (v.13-14、17、19、21-22)、是 gâu ē 供給者 (v. 13-14、27)、伊 m̄-nà 會持家，koh 卡是精 ê 投資者(v. 15-16、24)，效果好 (v. 17)，工作愉快 (v.18、 v. 27)，雖罔好施捨(v. 20)，猶原不缺乏(v. 21)。伊知影按怎互丈夫佇人面前表現出色 (v. 23)。伊觀察入微 (v. 27)，用能力 kap 威儀教示子女 (v. 25)，這一切攏是出佇一粒智慧 kap 仁慈 ê 心 (v. 26)。讀夠 chia 咱是嘔是會講：Chiah 呢完美 ê 女性 toh 位尋？佳哉作者一開始就講：「才德 ê 婦仁人是誰 ē-tàng 得著 neh?」暗示咱 chit 種 ê 婦仁人是世上真少有 ê。總是親像山上寶訓 ê 高目標全款，雖是今世難(oh)得達成 ê 境界，伊 iáu 是上帝所設立理想情況，暗示人朝此 ê 方向努力改善。總是設使咱 kā 婦女改成母親，母親親像是上帝 ê 縮影，túi 母親 ê 身上咱 jōa 濟 thang 感受著 chiah-ê 美德，甚至看著上帝家己。

才德 ê 婦仁人是信仰 ê 傳承者：提後 1:5 講提摩太 ê 信仰是藉 tiòh 兩位才德 ê 婦仁人傳承，就是伊外媽羅以 kap 母親有妮基。所以後來提摩太成做保羅上好助手並 m̄ 是偶然 ê。約翰衛斯理 ê 母親蘇珊娜總共生 19 個 gín-á，想看 māi，一個有 19 個 gín-á ê 媽媽，伊 ê 生活按怎過？總是蘇珊那堅持每工暗時 gín-á 暍 chìn 前，kap gín-á 同齊讀經祈禱一點外鐘，然後開始做家事。後來雖罔 Kan-ta<sup>n</sup>ll 個 gín-á 活落來，卻個個攏真有成就。衛斯理佇英國開始發起奮興運動，復興已經腐化 ê 英國國教。我家己 mà 有同感，阮老母佇我 iáu 未讀冊時就教我讀白話字讀聖經，互讀經成做我生活 ê 一部份，宗教教育自然形成。

才德 ê 婦仁人是家庭 ê 代禱者：奧古斯丁家境不富裕，老父是異教徒，老母摩尼卡是虔誠 ê 基督徒。伊少年時非常作孽，老母爲著奧古斯丁 ê 得救流目屎祈禱十外冬。奧古斯丁 29 歲到羅馬擔任教職，破重病，忽然記著細漢破病時老母祈禱 ê 影像，深受感動生出悔改 ê 念頭，後來認真追求真理，佇 33 歲復活節受洗禮入教會，過著刻苦 ê 生活。伊著冊，成做教會 ê 領袖。老母 ê 祈禱，上尾得著上帝鑑納。母親過身了後，奧古斯丁爲伊立碑，佇懺悔錄中，寫落來非常感動人 ê 紀念文。伊講：「上帝 ah!假使我 e-tàng 稱作你 ê 百姓，he 是因爲你賜我一 ê 老母。」

才德 ê 婦仁人是教會事奉 ê 動力：伯大尼家庭 ê 兩姊妹，馬利亞 kap 馬大，in 是教會事奉 ê 典範，現在咱 iáu o-ló 真會事奉 ê 婦女為馬大姊；馬利亞散發出自信、有自覺 ê 智慧。另外教會關懷 ê 動力 mà 是婦女（徒 9:36-39）。當咱愛 beh 看教會 ê 動力服事是 m̄ 是健全，請看婦女會就 thang 得著答案。當耶穌互人釘十字架 kap 復活時，上先到墓地 ê 嘔是男人嘔是學生，卻是一陣婦女（太 28: 1, 8-10）。雖罔福音書 ê 作者看輕婦女，親像 5000 人食飽 ê 神蹟中就無計算婦女 kap gín-á，總是教會聚會 ê 動力卻是佇婦仁人（徒 16:13-14; 17: 4, 10-12）。婦女 iáu 是比較內向。我安排早禱會時，問男士 ê 時大部分攏馬上答應，當問夠女士大部分歹勢拒絕，所以呼籲婦女要盡量 khiā 出來檯面互教會 koh 卡有活力。

最後我 beh 用兩位女性，其中一位是聖經人物。咱知影舊約有記載一位美麗 ê 女子以斯帖 ê 故事。故事發生佇出世猶太人，互波斯統治 ê 時代，亞哈隨魯王佇一場國內外顯要人物參加 ê 國宴，伊爽快 ê 時為著 beh 展寶，因為王后瓦實提之美貌，派人請伊出席，總是伊 m̄ 肯，國王真受氣，tùi án-ne 廢伊王后 ê 位。以斯帖原來是伊 ê 孤兒，互 a-叔末底改撫養長大，生做非常美麗，得著國王 ê 歡喜，mà 得著眾人 o-lo, tui 卑微平民成做波斯皇后。伊雖然作皇后深得國王寵愛，總是佇國王面前卻真困難有平等 ê 地位。當時佇波斯 ê 猶太人面臨嚴重 ê 危機，In ê 成功惹來嫉妒 kap 顧人怨，致使宰相哈曼密謀殺害全部佇當地 ê 猶太人。以斯帖是一位勇敢、智慧 ê 婦仁人，伊冒著生命 ê 危險，將哈曼欲害同胞 ê 計謀 kā 國王講，後來族人性命得著保全，甚至受尊榮。

好事成雙，過一千外年，全款佇波斯，有一位皇后 Scheherazade mà 是有才德 ê 婦仁人，解救千萬婦女同胞 ê 故事，咱將 chit 本冊翻譯作天方夜譚其實天方式現在阿拉伯，總是 chit 本冊所涵蓋 ê 是當時中東真濟國家 e 故事。有一位仁慈疼百姓 ê 國王，發現皇后患姦淫，所以開始怨恨女人，每晚 kap 一個女子同房，到天亮 tiòh kā 伊處死；án-ne 一冬復一冬，連續三冬，攏總殺掉一千 gōa ê 女子。國王 kan-ta 迫宰相，每工替伊 chhōe 女子互伊取樂、虐殺。人民帶著查某 kiá 逃命，宰相 chhōe 歸 ê 國家，chhōe 未著一 ê 女子。宰相 ê 查某 kiá m̄ 甘看著女子受害，不管老父反對，自願陪國王；伊 kà 國王講故事，總是天光，總是故事 iáu 未講完，國王欲知影後事，暫時愛等夠暗時才有 tang koh 聽；第二晚伊 kok ka 國王講故事，總是到緊張 ê 時 kok 天光 ah.....án-ne 宰相 ê 查某 kiá，一暝復一暝講古。到上尾國王 ê 個性互 chit 位才德 ê 婦仁人影響恢復乘坐一 ê 仁君。1888 年俄國作曲家林姆斯基·高沙可夫，根據天方夜譚完成四樂章管絃樂組曲，優美 ê 旋律 kap 故事，成做伊 ê 代表作。

聖經親像一面鏡，ē-tàng 照出人 ê 真象來，讀上帝 ê 話 ē-tàng 互咱 koh 卡認識家己，知影家己 ê 有限，chiah ē-tàng 謙卑落來，求長進。這禮拜週間查經 tú 好查哥林多前書第一章，保羅對哥林多信徒講：互上帝揀選是基督徒尙特別 ê 恩典，上帝佇揀選哥林多信徒 ê 時，bô 揀智慧 ê 揀選 hiah-ê 互人認為軟弱、卑賤 ê 人，伊甚至揀選世人所輕視、討厭、認為不夠重 ê，透過十字架，基督成做 In ê 智慧，來互堅強、聰明 ê 人見笑，互 In 佇上帝面前無 thang 誇口。若 tùi chit-ê 角度來看，才德婦仁人 ê 形像 kah-ná 又 m̄ 是 hiah-nih bôe-tàng 達成。佇教會內底，雖罔嘔是每一 ê 人攏 ē-tàng 成做長老或是執事，總是每一個基督徒攏應該盡伊 ê 本分去努力。有才德 ê 婦仁人是適合佇每一 ê 基督徒 ê。咱 m̄-nà 愛家己追求，koh-khah 要鼓勵別 ê 信徒來追求。因為才德 kap 智慧攏是值得咱付出代價去追求，而且 kan-ta 敬畏上帝 ê 人才 ē-tàng 得 tiòh。